



09. Oktober 2019

UKA 2019/55  
Aqqalu C.Jerimiassen

**Kalaallit Nunaanni politimesteri nunap ilaani aalajangersimasuni immikkut akuersissuteqartarsinnaanera periarfissaqartillugu nunami maani inunnik angallassissutini biilini assakaasut quaannaveeqqutillit atoqqusaajunnaarnissaat siunertaralugu naalagaaffeqatigiinni oqartussaaffinnut saaffigineqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut.**

(Inatsisartunut ilaasoraq Steen Lyngø, Demokraatit)

Tunngavilersuut suminngaanniik aallartissanerpara? Utoqqatseraluarpunga, taamaattorli inuup inuunera maannakkorluinnaq tamanik pingaernerujuaannarpoq siunissami inunngorumaartussat suliluunniit pinngorsimannigitsuniik, taamaammat siunnersuut ajutoortoqarnerunissaanillu oqariartuuteqarluni suna siunertaringamiuk?

Nunarujussuatsinni ataatsimut eqqarsaatigissangaanni, nalinnaakkajugunarpoq piffik ataasiinnaq ilaatigut malillugu aaliangersaaniakkajuttartugut inoqarfiit angissusaat aqqusiniisalu qanorittuussusaat eqqarsaatigeqqaanngivillugu.

Siunnersuuteqartup Tasiilaq assersuutingaa, atanguli eqqarsaqqilaarta tassanngaanniik maanga nunatsinni inoqarfiit annersaannut Nuummumut nuutsilaarlugu, tassanngaannaq sila allannorsimatillugu ukiukkut sialleriataarsimatillugu takornartaanngilaq Sipisa kangillermi, 400 aqqutaani Borgmester Anniitap aqqusernanilu sisooqattaartoqalertarnera, biilillumi ilaanni tunuleriaappannugit nuttungissatuut tullerriaallutik aporaaterusaalersarput saarleq sisuulersillugu.

Inoqarfiit sinerissatsinni allat taajussangaanni Ilulissani aqquserpaalunnguupput uanga nammineq misillerfiginikuusakka savimineerartaqanngitsunik ingerlaarninni, qummukajaakasikkummita qasseriaqalunga ajutumeertitsigajappunga saanni ikaarniartoqartillugu unereeraangama aallaqqinnaveertarama, immaqami tamanna Demokraatikkunnut ajornartorsiutaasimannigilaq siunissami inunngorumaartussat pingaarnerusimammata ullumikkut ataaseraartooratarsinnaanermiik.

Avannaani Uummannaq Upernavillu eqqarsaatigiinnariaraanni, biiliaralinnut ila eqqanaraluttuaq ima ittoq inatsit atuutilertinneqarniariarpat, qummukajaapiluunerpannguanimita sivingaqisuni qasseria aqqusernut sinaanut sisoortoortoqassaqaa? Immaqaluunniit Avannaaniittortagut orsussamik suli atuinernik (naak siunnersuuteqartup pinngortitamut mingunnanniginnerusumik oqariartuuteqaraluartoq), assersuutingalugu Toyota Hilux, Landcruiser, Subaru annerit allarpassuillu kisimik atorreqariartuaalernissaat ujartorsimanerpaat? Sipaartut biiliaqqat savimineerartalinnik atorfissaqartitseqisut ukiuunerani motorii sakkukikkamik siorsortuinnaallutillu atoqqujunnaarneriniik, uffalumi sipaartutsiarsuit, ukulumi iluat savimineeralinnik assakaasoqartillugit orsutunngingajattuatsiaangamik.



Ajoraluarmik malunnarpoq siunnersuuteqartup nunatta sinnerani atungassarititaasut sinneri misissuataarsimani amingarlunnarpaluttut.

Tamannalu pillungu siunnersuut Atassummiik toqqaannartumik itigartinneqarnissaa innersuupparput.